

无上黃籙大齋立成儀卷之十五

卷

三洞法師冲靖先生留用老傳授

太上執法仙士符典編次

醮謝請獻門

聖祖位序說

趙彥衛雲麓漫抄云景祐元年四月仁宗謂宰臣曰近年以來陰陽不順卦氣乖舛此必應天之道有未合於天心而違於人意者宜推明咎證之本臣僚上言早歲陳彭年等定中外醮儀聖祖天尊在北極之上伏緣北極大帝總領萬物主宰中極聖祖司命真君因薦尊號嚴居紫微帝君之上既定位非順自致天下郡縣多致災傷伏望重行詳定禮院詳定當院與道東參詳天下道觀聖祖每過醮設於聖祖殿供獻聖祖天尊及六位仙官即與東真各無相妨仍別用青詞奏告如無聖祖殿處即別設醮位為便從之後道士欲得聖祖雜於其間以重其教復合之自渡江朝廷作醮亦從其說叔與竊謂本朝及唐之祀聖祖猶其祀感生帝也感生帝出於諸儒

聖祖出於方士其為附會則一爾感生帝即五天帝之一也有天下者以其膺五德之運而王天下其祖感生帝之德而生故於四時迎氣時祭之外別為壇位而特祀之聖祖即諸天帝真之一也唐以李姓出於老子故祖老子本朝以趙姓出於黃帝故祖黃帝遂加尊號祭景靈宮而事之州郡天慶觀率立聖祖殿其禮至嚴景祐禮院詳定天下道觀每遇醮設獨於聖祖殿供獻不與眾真參列所以尊其祖之所自出也州縣官僚為國為民祈請榷榷遇有醮設或可遽迎已失於階臣庶之家不宜僭及

醮說
有醮昨曰獻無醮昨曰醮醮者用酒於位敬以成禮也延其降靈而以醮名其古用酒於位之禮敝自漢天師流傳醮法以福羣有今見於道藏者其目尤繁杜廣成先生剛定黃籙散壇醮儀以為牲牲血食謂之祭蔬果精珍謂之醮醮者祭之別名也何圖經品三洞之中凡有四十二等咸以

太上為主次以北斗為宗苟能禮物精望心誠丹齋何善不降何患不除然名位雖不同而儀矩則相類解穢禮師衛靈呪之後即繼以發爐降神一獻上香讀詞再獻奏錢焚詞三獻送神復爐其位寡故其禮專其儀簡故其誠備鋪席設坐茶果酒饌隨力豐儉多者一百二十杯盤次或七十二或六十四或四十二或三十六或二十四按科戒云凡設醮所須飲食餅果一如齋法若須市買皆不得爭論高下及尸產竊盜之物燈當用清淨香油不得用非義之財及腐雜穢之物其務實而不務文也明矣未聞揭立牌位普醮三界混合天神地祇為一壇者也普醮之設其起於順天興國延壽去邪續命應劫壇範之訛乎張清都黃籙儀無謝恩醮杜廣成儀始有之亦以修齋召命神靈管衛壇場宣通關告往來勞役所以言功故此醮延用行酬實然亦止於壇外鋪席青巾絳坐羅列果饌之屬三寶元師用香茶人參伏苓湯等三官五帝將吏用茶酒杯盞隨盤為數九祖土地日

直皆用銀錢依位作狀懸訖焚之其降其懸位始則以玉京玄都紫微上宮十方大聖來至真諸君文人飛仙上真玉童玉女為一節次則天地靈仙諸天大聖日月帝君真人神仙玉童玉女次北極勾陳天皇大帝北斗七元南斗六星三台五星二十八宿周天分度星中神真兵馬騎乘次五方五帝君五帝真人玉童玉女兵馬騎乘次三官三元三官九府一百二十曹五嶽真神洞天造化河海水帝十二河源仙君九宮真人九天司令五嶽丈人九天使者諸副正職佐命大神天地神仙兵馬騎乘次三洞四輔侍經真官仙公仙伯仙卿大夫九天御史玄師天師嗣師系師上古三師經籍度師三寶官屬次靈寶官屬領仙監齋直待真官侍香將吏玉童玉女六甲官將六旬玉女杜纓將吏一切靈司次則身甲三五功曹使者金童玉女直符香官執法開化陰陽功曹消災散禍解厄君吏等次身中所佩二十四治建節監功大將軍四部監功謁者仙靈直使玉一治病促氣三部功

曹等次陰陽神法吏科車赤符罡風騎置驛馬上章飛龍天仙飛仙騎吏上部中部都官使者狼吏虎吏青吏軒鉤騎都官僕射天丁力士天驍甲卒等收會氣神鬼邪精諸天騎吏誅符破廟騎吏等次弟子元辰大小行年本命星辰驛馬將吏等懸筵所降聖真之目總十有三項而土地里域真官則降之於西席所列之杯盤有限而所降之真靈無窮亦以皇天后土享于克誠不以其物故也恭致虛黃蘇齋醮儀設位雖三百六十而聖目合者甚多自御用專狀外餘悉以類相從止作都疏獻送意似有見於此路時中黃蘇大齋儀範正延一百二十而冥官四十位在外每位一請一獻其禮備矣然謂懸此為足以感格神靈則未可蓋道集虛者也吾心苟虛即與道合齋戒沐浴危酒可獻千真若徒泥於色相之間終有拘學不通之處文為日威古意遺失今時所請懸位又多有不與齋法相關者日數既通修寫不精法師無緣過目悉舉而委之筆史之手寧免錯亂靈誤誠敬果

安在哉則除繁文旋復古法要在哲匠能弘之耳田先生齋儀云設懸古儀不載層先生若山有之若師古之士當從晉唐舊法然謝恩設醮留冲靖固當因之矣今不敢廢具式如後

請懸四等狀式

第一等奏請狀內稱式合換勿並注在懸筵聖位卷內見

聖真班

奉醮具官位臣姓某

先為正薦在會亡魂某亡魂等魂崇建

无上黃蘇大齋某月某日已行滿散謹取

某月某日夜抵設清醮三百六十分位仰

謝

洪恩合預具狀奏

請者

右臣謹昧死具狀奏

某位尊帝陛下恭望

道慈允今奏請事理於至日夜俯降

恩光鑒臨

御座冒犯

天威臣無任誠惶誠恐激切屏營之至謹具
狀上奏以
聞謹奏

年月 日奉照具官位臣姓某狀奏
可滿

恭帝尊陛下 奉照具官位臣姓某謹封

方函

謹上 奉照具官位臣姓某謹重封

第二等奏請狀

奉照具官位臣姓某

先為同第一狀至 合預具狀奏

請者

右謹具狀上

奏伏望

天慈於某日夜俯降

恩光鑒臨

御座冒犯

天威臣無任惶懼激切屏營之至謹具狀奏

聞謹狀

年月 日奉照具官位臣姓某狀奏

第三等申請狀

奉照具官位姓某

先為同第一狀 合預具狀中

請者

右謹具狀中

聞伏望

聖慈於至日夜降臨醮座千犯

聖威某下情無任惶懼之至謹狀

年月 日奉照具官位姓某狀

第四等申請狀

奉照具官位姓某

先為同第一狀至 合預具狀上

請者

右謹具狀由

聞伏望

神慈於至日夜降臨醮座謹狀

年月 日奉照具官位姓某狀

天樞院繳進狀

靈寶大法司

本司今月某日發奏狀十函重封印全為

并人正 薦士 觀某 崇建

无上黃籙大齋某月某日已行滿散謹取

某月某日夜祇設清醮三百六十分位仰

謝

洪恩合預錄狀奏請須至開具申

聞者

玉清上帝元始天尊陛下

上清大帝靈寶天尊陛下

太清大帝道德天尊陛下

昊天至尊玉皇上帝陛下

勾陳星官天皇大帝陛下

紫微中宮北極大帝陛下

東極宮中大慈仁者壽星太乙救苦天尊御前

太微南極長生大帝御前

十方救苦天尊御前

后土皇地祇陛下

右謹具狀申

三天門下上清天樞院伏乞徑為通

奏施行謹具狀申

聞伏候

昭報謹狀

年月 日具法位姓某狀

發請狀關于

日直功曹關

靈寶大法司

當司先為黃籙大齋主某入正薦某乙七

身崇建

无上黃籙大齋今月某日已行滿散今取

某月某日夜祇設

清醮三百六十分位上謝

洪恩今發奏請狀一十函申狀幾函重封

印全上詣

三天門下上清天樞院請進須至關發者

右關某日當直功曹使者請疾速齋管前去

分明請

進雲程不得稽滯時刻有所避阻攝赴近獄

依

律施行故關

年月 日 時關

功曹符使關

靈寶大法司

當司先為同日直關至合預錄狀請

諸天帝尊三界真仙係隸主宰一切威靈

除已各具專狀外關具下項欲仗

神威須至關發者

一奏請狀三十四通上詣

某尊帝御前離列已上逐處請進

一申請狀二百五十四通上詣

某聖位聖前離列已上逐處申上

一上請狀六十二通上詣

某神位離列已上逐處投下

右關某年年直功曹使者某月月直功曹使

者某日日直功曹使者某時時直功曹使者

上界直符使者中界直符使者下界直符使

者請疾速齋管前去各照界分徧詣關庭等

處通進申上所冀

聖真降鑒懸事周圓無或稽違有干

玄律故關

年月 日關

青詞共三

維某年太歲某甲某月某朔某日某甲某路

某鄉貫居具官位姓某謹啟并誠上干

天聽同齋詞至投龍連簡正薦再自仰仗

功德起至以今功圓事竟解散齋壇謹取

某月某日夜祇設清醮三百六十分位上

謝

洪恩臣誠惶誠恐稽首頓首拜上奏

玉清聖境虛无自然元始天尊

上清真境太上道君靈寶天尊

太清仙境太上老君道德天尊陛下

臣伏以詞並同前謹詞

玉皇一詞

太上開天執符御曆含真體道昊天玉皇上帝陛下

勾陳三位一詞

勾陳星官天皇大帝

紫微中天北極大帝

太微南極長生大帝帝前

東極一詞

東極宮中大慈仁者太乙救苦天尊

十方救苦天尊御前

可滿同前式

後同

奉醮具位姓某

恭備

太上昇玄消災護命妙經

金錢一分

從馬一疋

右謹隨狀上

獻伏惟

聖慈俯賜

昭鑒謹具狀申

聞謹狀

年月 日奉醮具位姓某狀

第四等上獻狀

奉醮具位姓某

謹備

太上昇玄消災護命妙經實會款

金錢一分

從馬一疋

右謹隨狀上

獻伏惟

神慈俯垂

鑒納謹狀

年月 日奉醮具法位姓某狀

三天門下繳狀

靈寶大法司

本司今月某日發進獻狀九函各封印全

為其人滿散黃籙大齋修設謝

恩清醮三百六十分位進獻龍車事類至

申聞者

右謹具狀申

三天門下省伏乞徑為通

進施行謹具申

聞謹狀

年月 日具高功法位姓某狀

方函可滿同前

發進獻禮物日直功曹關

靈寶大法司

當司今月某日奉為黃籙大齋主某滿散

无上黃籙大齋修設謝

恩清醮所有進

獻車輦等除已各具專狀外須至關發者

一進獻狀九函申狀一函各重封印全龍

車九乘上詣

三天門下請進

一進獻狀一函重封印全鳳輦一乘上詣

右土皇地祇殿下請進

右關某日當直功曹使者請疾速取官前去

隨從車輦徑詣邊處

闕庭請

進不得登違有干

玄律故關

年月 日關

三界直符關

靈寶大法司

當司奉為在玉關主謝恩清所有貢獻

三界聖真係醮主宰龍車金錢從馬除已

各具專狀外須至關發者

一進獻狀若干函龍車輦乘上詣

昇帝御前進項開

一進獻狀若干函金錢若干分從馬若干

尺上詣

某聖位聖前此項

一上獻狀若干函銀錢若干分從馬若干

尺上詣

某神位此項

右關上界直符使者中界直符使者下界直符使者請各齋管分詣

闕庭等處進

獻母令差互及有墜遺故闕

年月日 時聞

唐武宗皇帝九天生神保命齋詞

維大唐會昌五年歲次乙丑十月乙亥朔十四日戊子仁聖文武章天成功神德明道大孝皇帝臣其謹稽首再拜虔誠上啓

至真無極大道元始天尊太上大道玉晨君大聖祖高上大道金闕元天皇帝太上老君玉清大有天寶君上清玄妙靈寶君太清太極神寶君三寶尊神三寶夫人玄都紫微九天大帝君東華南極西靈北真四天君

三十六天帝三十二天君十方靈寶至極天尊五老上帝三景君道德衆聖三元君太極

天帝天師君元洞至極明皇道君三十六部

尊經玄中大法師三光衆聖八景靈君三十

六地獄瀆正神河海川澤名洞靈山諸化福

地得道神仙三界應感一切真靈凡開萬化

之初總之者妙道群靈之表冠之者至真剖

判玄黃裁成晶彙幽明既辨主宰有倫九皇

司牧以無爲八帝統區而有度洎乎清源斯

壘玄澤不流舜禹遺揖讓之風湯武起干戈

之役禮樂雖於大樸俎豆矜其小成玉帛徒

美於爭馳世道亦悲於交喪斯所謂時君忘

本至理莫追愆愆舍生眇然何怙是知疑旒

負衆非道無以寧至理垂裳非德無以立我

國家玄元錫祐仙李標華承德明興聖之基

紹高祖太宗之業度除六合膺無九圖扇之

以熏和沐之以渥澤治之以聲教正之以詩

書惠露洽於幽陰百神咸秩仁照周於萌孽

大樂同和趙二百年一臻于道顧惟涼德祇

嗣洪圖思弘清淨之規以兆靈瀛之榻冥心

丹簡屬地雲經披太上九天之文得元洞生

神之旨將陳寶籙首備齋壇錦幣華縵金龍

白璧晉萬天而展禮極旦境而告虔所期盼

贊咸通昭彰會社鶴林鯨水咸歸仁壽之鄉

海水域中一變華胥之俗豈使燕昭臺上獨

凝三素之雲漢武殿前宵降九靈之駕蓋保

綏於德兆非金慕於鸞騰列聖衆真降茲仲

懇謹遣道士東嶽先生修九天寶齋三日四

夜稽首以開謹詞

无上黃錄大齋立成儀卷之十五